

續修四庫全書

《續修四庫全書》編纂委員會編

續修四庫全書

上海古籍出版社

一六五〇・集部・總集類

欽定全唐文一千卷總目三卷（卷九百三十八至卷一千）

〔清〕董誥等輯

欽定全唐文卷九百三十八目錄

杜光庭十

賈璋醺青城丈人真君詞

蜀州宗夔爲太史於丈人山生日醺詞

宴設使宗汶九曜醺詞

遂府相公周天醺詞

親隨爲大王修九曜醺詞

果州宗壽司空因齋修醺詞

青城鄭瑱尚書本命醺詞

欽定全唐文

卷九百三十八

目錄

忠州譚禹廟醺詞

楊神湍謝土地詞

蜀王仙都山醺詞

自到仙都山醺詞

李延福爲蜀王修羅天醺詞

羅天中級三皇醺詞

羅天醺太一詞

羅天醺嶽瀆詞

羅天普告詞

羅天醺眾神詞

蜀王本命醺葛仙化詞

莫令南斗醺詞

鄭瑒別駕本命醺詞

孫逄司空本命醺詞

欽定全唐文

卷九百三十八

目錄

二

欽定全唐文卷九百三十八

杜光庭

賈璋醮青城丈人真君詞

伏以岷蜀雄都西南巨鎮下蟠萬壑上拱九清爲造化之殊庭乃神仙之奧府瑤宮瓊闕深秘於洞臺翠壁丹崖仰呀於雲霧高真之所棲息上聖之所宴遊實掌休祥以福寰海臣獲逢道化夙荷元慈慚無塵芥之功難報乾坤之德而立身處俗易結罪尤往世此生寧無過咎五行三命恐值災躔次星文慮爲臨照或冤仇所滯或債訟未明

欽定全唐文

卷九百三十八

杜光庭

一

有一於茲是用憂懼輒敢披心靈嶠稽首仙都輒備信儀遙申禱祝伏願鑒其丹懇錫以元恩使景福潛資壽涯延益災凶銷蕩罪咎蠲除冤債和寧祿祚繁永兼乞子孫嗣續宗緒昌隆誓傾虔奉之心以答仙靈之祐不任

蜀州宗夔爲太史於丈人山生日醮詞

伏聞道化裁成天元立極申命真宰主張眾靈於是乎賦命稟神流形挺質咸資籙籍以繫上元臣荷大道生成感睿明倚注地分岷楚任極鈞衡功業所彰未裨於造化恩榮所錫已冠於古今況屬天步艱難皇輿省狩恨不得手

扶宸極身衛帝車克定乾坤重清日月永安大寶以致中興虔叩真靈冀扶忠節仰惟青城巨鎮天國仙都羣聖依棲列真統制必能振揚神力驅役陰兵蕩災運而靜中原拯橫流而匡大業爰遵祕格虔啟醮壇願迴不測之威以介無疆之福使妖氛寧息帝祚隆昌鳳曆龍圖天長地久臣積生咎累未兆災蒙因此懺祈咸希銷解臣今年大小二運俱在酉鄉與命辰對衝又火星所照既臨分野仍在身宮土躔厄會之方金伏乖背之宿年臨三殺之位仍當六害之門恐災咎所加伏深憂惕惟憑醮酌以達精虔所

欽定全唐文

卷九百三十八

杜光庭

二

祈災數剋平忠誠大展盡報主酬君之節成摧兇定難之謀光佐聖朝實佇靈祐不任

宴設使宗汶九曜醮詞

伏以二象炳靈三元運化稟形毓質仰資大道之仁賦命受生率荷神明之德臣獲承元蔭叨遇休明累忝恩榮載塵職祿顧勲勞而未立感寵澤以殊深而慎行謹身敢忘惕勵運心屬念尚慮曠遺况所主重難務當宰膳宴賓犒士須備烹羞撫眾訓戒時行懲賞實恐刑章之內或爽於重輕庖割之中寧無於故誤因成冤債遂積罪瑕或往世

此生宿愆未解五行三命厄運未祛今年則暗曜土星在身宮之上天符五鬼臨行運之方火星近刑厄之宮金星躔剋性之位忽成疾苦久未痊除伏恐災咎方深叩祈無所竊惟至真濟物大道好生廣開禳謝之門俯示感通之力是敢按遵科典虔啟醮壇遍九曜以披心瞻列星而瀝懇伏冀天光下鑒聖造旁資解故傷誤殺之冤赦積世他生之罪銷平厄會清蕩災凶六氣宣通百疴痊復續將盡之福祿祚增延賜再生之恩算命延益公私昭泰眷屬又寧仰望元慈不任

欽定全唐文

卷九百三十八

杜光庭

三

遂府相公周天醮詞

伏以虛無大道孕育於羣生天地萬神主張於庶品至於誕形稟氣垂象炳靈咸資鼓鑄之功率賴生成之力臣內惟涼德夙荷道慈勲勞未贊於聖朝寵遇已隆於藩翰隼旗龍節疊奉殊榮相印兵符頻叨睿獎顧茲虛薄實切兢憂每慮賞罰不明刑章不當舉措有乖於理體綏和未叶於物情興修有土木之煩宴犒有烹燔之費故傷誤殺往債宿冤兼此罪尤成其譴責或五行三命暗曜列星共結災躔遂為疾厄尚未痊復倍用驚危臣今年大運居衰氣

之鄉小運在馬破之位木星退身宮之上土星照三合之方金水二星臨乖背之宿飛天火曜居本命之辰九宮土星復當生月觀此災運深切禱祈是故按靈寶元科河圖祕格設周天大醮懺謝上元伏冀萬聖感通眾神照鑒納其懇志介以福祥解宿債前冤赦深災重過續其祚祿增其壽年五星四景之中永銷危厄天府地司之內別注休禎所疾蠲平克賜安豫益堅忠孝上奉君親即仰荷眾尊祐護之恩不任

親隨為大王修九曜醮詞

欽定全唐文

卷九百三十八

杜光庭

四

臣聞垂象炳靈代天行化發揮道用昭著神功粵自剖判之初即顯司明之力生靈動植咸賴元恩臣獲稟天慈深叨帝澤功業未酬於覆載寵榮已冠於人臣常慮綏撫乖宜賞刑有失金科玉律或爽於哀矜伐叛誅兇或輕於鈇鑕前代之冤讎未解此生之過咎旋彰於此省循常懷震惕又臣今年大小二運俱在對沖首尾蝕神皆為臨照支干火木在衰氣之中天符飛行居驛馬之上併為災滯九切憂惶近則微恙所嬰尚未痊復希恩謝過倍切禱祈輒因本命之辰虔誠奉醮伏惟至聖俯鑒丹襟赦已往之罪

瑕解將來之厄會增延算祿和釋冤疑得以罄竭微衷扶持大寶撫安疲俗匡贊中興誓傾修勵之心永答眞靈之貺不任

果州宗壽司空因齋修醮詞

伏聞三光麗天下司羣品死生是繫罪福攸司臣以塵微仰蒙鑒祐而三命之內水火力微值辰戌魁綱爲天羅地網二運逢墓併屬災期又火星到元首之宮暗曜在命宮之位災數重疊憂懼殊深是敢遵按明科虔申醮奉仰崇齋福精備醮祈三日恭嚴九時關奏伏冀元慈俯燭洪澤欽定全唐文 卷九百三十八 杜光庭 五

濡臨賜臣災運銷平凶衰超度克延祚祿允介福祥永保乂安常加護祐奉親事主報國寧家誓罄丹誠上酬元澤不任

青城鄭瑱尚書本命醮詞

伏以稟氣分靈全資大道挺生毓質仰繫上元報有盈縮之期理協始終之分五行倚伏二氣推移實憑宰制之功敢怠敬恭之懇臣今年火曜居本命之方九宮金星在行年之上久躔疾苦未獲痊平竊慮履行運心有虧陰騭字人育物有曠政經或積生疊咎未除或往世冤讎未解構

茲重厄無路懺祈况境控仙山地當洞府明誠可告眞鑒難誣敢因本命之辰虔備醮祈之禮洗心謝過瀝懇希生伏惟少駐鸞驂下臨塵壤愍其歉迫假以恩休輟死籍於黑書再延命祿定生名於丹籙盡赦疵瑕冤債和平災凶銷解公私昭泰眷屬安寧敢忘策勵之心上副眞靈之祐不任

忠州謁禹廟醮詞

伏以三氣肇胎九元裁質清淨浮濁厚眞精鑠造化之鑪出震乘乾大易啟乾坤之韞堯天繼履舜日傳明五教允敷欽定全唐文 卷九百三十八 杜光庭 六

未革懷襄之數四門是闢尚纏昏墊之憂惟我睿明拯茲下土驅馳四載勤瘁萬方浩浩無虞百谷識朝宗之路巖巖可仰羣山知維嶽之尊區別九州撫寧庶彙鑄鼎之功既集錫班之報攸彰懋此宏勲光於終古臣夙承洪澤獲奉仙祠巴雨巫雲捧臨瑤殿岷江楚澤瑩蕩瓊階願迴疏曠之慈俯鑒虔祈之懇探經玉洞展醮靈岑副蜀王遐祝之誠遂微臣歸還之願不任

楊神湍謝土地詞

伏以道氣分光元功宰制下鎮靈化上配列星萬聖之所

宴遊羣仙之所棲息肇於歷劫以逮茲辰玉女上賓認香泉於江滸元元駐駕留玉局於城隅耀天日之祥華以安井絡啟洞宮之徑隧以福坤維爲錦都靈勝之墟乃蜀國神仙之府而繕營久曠蕪蒼幾侵清壇爲蹂踐之場閱殿染臙腥之雜我蜀王迴開神鑒矚此元關遽命澄清俾其嚴飭拂烟煤於石壁早挹仙儀雜蒿篠於荒階再窺靈洞邇後累加締葺漸獲精新堂宇相望樓臺櫛比復還門闥俯及康衢夕磬晨鐘得以備朝修之禮朝香暮火得以申蠲潔之儀報德何階感恩有自輒陳醺祝冀達眞靈伏惟

欽定全唐文

卷九百三十八

杜光庭

七

廣灑神休大頒嘉貺增聖主遐長之算寧謐萬方延蜀王椿桂之年又安三蜀連營將校各崇竹帛之勲比屋生靈共樂和平之化龍神悅豫稼穡豐穰疵癘無侵鋒鋌永戢其有薰腥穢瀆穿鑿侵傷承此懺祈咸蒙銷解臣等佐時濟俗行教立功奏御上通遵修咸契公私貞泰眷屬利安然願往化法流先師舊德冥關無滯道果速圓內外職寮陰陽將吏遷功加品永贊福庭克宏至道之風常荷尊靈之澤不任

蜀王仙都山醮詞

伏以眞精表瑞元氣分形積秀氣於人寰凝爲仙嶽集幽奇於物外儼設洞天上屬星辰下福邦國由是瓊宮珠闕祕邃難窺羽蓋霓幢飄飄特降二眞人三都跡顯九鼎功成白晝登眞丹霄控景威靈益振物象長新寶冊眞經琅函玉篆貯靈宮而作鎮與嘉躅而常存遐想元風遙馳素懇今以三川觀化累遇干戈鳳札龍書靡存於魯壁虎符龜籙難訪於秦坑大教凌夷所宜宏拯是用翹懇翠巘稽首白雲申醺酌之儀冀神仙之鑒輟鶴洞緘藏之本爲人天宗奉之經佇建殊功却還舊所竊惟道無不在法許流

欽定全唐文

卷九百三十八

杜光庭

八

自到仙都山醮詞

伏以元化既分茲山作鎮前臨楚望旁控巴城眾流迴環嚴設龍蛇之府羣峯拱衛秀爲眞聖之都二眞騰翥於前朝千載昭彰於懿躅巖巒蔽日松檜參雲禎祥時耀乎簡編福祉潛資乎邦國蜀王扶天茂績命世雄姿八國二江

早列封圻之內黔城楚碛皆歸陶冶之中惟此仙山光於境寓仰靈蹤而稽首遙展誠祈望闕境以馳心虔修醮酌將以求書禹穴佇逢八會之篇探簡洞庭願值五符之訣數宏奧蹟演暢真宗况屬大教凌遲中原多難俾其紹習須俟流通某躬泛長波式遵成命焚香昭告願鑒丹誠所期汜水橋邊不獨傳於漢相典陽泉上豈止授於干君捧秩西歸中興聖教不任

李延福爲蜀王修羅天醮詞

伏以道冠虛無功先覆載陶甄有物亭育無私綿劫歷以

欽定全唐文

卷九百三十八

杜光庭

九

長存後天地而悠久裁成不竭生化彌彰臣夙荷元休克承道運功輕塵露任重台衡數千里之山河周旋六鎮十七年之臨撫宰制一方每虞福過爲災力微成釁兢榮循省憂懼難勝况復大駕未還中原多壘訓兵勵士徒懷於報國勤王望闕馳心其奈於天高日遠微勲靡効孤懇何申今復大遊四神方在雍秦之野小遊天一仍臨梁蜀之鄉地一次於坤宮月宇行於井宿仰茲緯候緬彼災蒙深慮鳳輦鸞輶百二之關河未復陵園寢廟九重之城闕猶虛惟切禱祈佇迴鑒祐是用按依元格遵鍊明科修黃籙

道場設羅天大醮九清三界咸陳懺謝之儀天真地靈備展奏祈之禮替日月星辰之域遍山川嶽瀆之司畢罄齋莊用期通感伏冀天尊降命聖祖貽休俯借神功載康國步鴻圖克固鼎祚中興齊北極以常寧比南山而共永臣允承天澤長奉唐年享椿松延廣之齡竭金石忠貞之節境無災沴歲洽豐穰雨澤不愆干戈不作龍神安鎮士庶乂寧幽局霑開度之慈絕域慕和平之化誓宏清淨以答真靈不任

羅天中級三皇醮詞

欽定全唐文

卷九百三十八

杜光庭

十

伏以元蓋上浮黃輿下鎮元精降瑞應運開圖握六紀以君臨恩周率土體三才而司牧惠洽羣生塞寰區而聲教攸傳亘古今而光靈不泯臣謬膺天澤作鎮坤維荷覆燾以難勝誓忠貞而有守屬乾綱未舉天數中微瞻雲而河洛方遙捧日而山川尚阻徒傾丹赤莫展勤勞今又大遊四神在雍秦之分小遊天一次梁蜀之鄉地一鎮於坤隅月宇行於井宿考遵緯候伏切憂虞是用披按明科修崇黃籙備羅天大醮祈三界真靈願假神休共迴天數使忠貞義烈振風雷埽蕩之威文武尊神借戡定經綸之力重

昌祚歷永息妖氛九圍觀清晏之期三蜀荷安寧之賜災祛未兆福降無窮動植存亡同臻恩祐不任

羅天醮太一詞

臣伏按歷緯今年大遊四神在雍秦之分小遊天一次梁蜀之鄉地一屆於坤宮月孛臨於井宿仰披天度緬屬災期省已拊心伏增憂惕是敢按遵元格崇啟壇場修黃籙寶齋備羅天大醮輒披元蘊敷露真文伏冀尊神迴景上元貽休下土旁垂禎貺永息災躔賜臣封境又安龍神輯睦生靈康泰遠近昭蘇疵癘無侵干戈弭戢唯虔修奉上

欽定全唐文

卷九百三十八

杜光庭

十一

副神功不任

羅天醮嶽瀆詞

伏以二象昇淪剛柔定位三靈恢廓川岳裁形坤儀彰厚載之功品物荷資生之德雖混淪莫極猶虞九六之期廣博無疆以繫屯亨之數今以陰陽所運歷緯所甄天一小遊既移於梁蜀四神太乙亦次於雍秦地一屆於坤宮月孛行於井宿仰惟天度伏用震惶竊以臣叨荷寵恩久司藩屏封圻六鎮襟帶重江水惟四瀆之尊山居五嶽之長仙壇靈化皆驂虬馭鶴之蹤珠岸金堤乃禹導秦通之野

眞靈攸處祥應實繁必介休符以副虔祝是敢齋陳黃籙醮啟羅天冀眾聖之垂光會萬靈而降福共安天步永奉帝圖蕩昏瞠於神京重瞻聖日混車書於海宇克保唐年臣境土安寧生靈舒泰邊無烽燧俗洽謳歌息未兆之災躔解已往之愆咎誓虔砥礪以答神功不任

羅天晉告詞

伏聞元功宰制道化宣行稟象流形凝神運氣天覆地載爰起於渺茫日照月臨肇分於萬有至於陰陽昇降劫歷推移乾坤有九六之期烏兔有盈虧之數將期拯護允仗

欽定全唐文

卷九百三十八

杜光庭

十二

眞靈臣以微躬遭逢昌運叨塵異渥踐履殊榮龍節虎符攝封壤山河之重金金科玉律掌生靈性命之權常慚撫育非才每以滿盈爲戒而屬中原多難天步方艱社稷綴旒寰瀛塗炭訓齊武旅徒懸報國之誠追遞神都莫得扶天之路今者稽求歷緯考察經圖大遊四神方在雍秦之野小遊天一傍臨梁蜀之鄉地一屆於坤宮月孛躔於井宿緬維天度彌切憂兢是敢披靈寶簡文按河圖品格設羅天大醮開黃籙寶壇仰金闕玉京虔祈萬聖通靈中象外晉告眾靈馳意馬以披心託香龍而薦懇冀蒙鑒佑允降

威神伏惟三界諸天四司五帝乾元主宰地府尊靈降陰陽不測之神假變化無窮之力神兵密助眞應潛彰大業中興萬方安泰皇基永固四海澄清埽彗孛於長空勦鯨鯢於巨浪常瞻聖日共載堯天賜臣境域安寧災凶弭息五兵韜戢四氣均調黎元無瘥疫之虞稼穡有豐登之望三川六鎮士庶龍神克洽歡康同臻貞吉其有幽魂滯識六趣三塗沐元澤以生神詣朱陵而受福存亡開度動植蘇舒誓傾忠孝之誠仰副神明之鑒不任

羅天醮眾神詞

欽定全唐文 卷九百三十八

杜光庭

五

伏以人爲神主神依人以變通神福於人人資神而讚祐承天統地有國有家惟古及今率由斯道我大唐皋陶種德聖祖垂休光宅中原傳二十帝元風扇於萬寓皇澤浸於九圍徧彼羣倫咸蒙覆燾而運鍾艱否時屬播遷天數未寧帝車未復忠臣義士皆懸報國之心望日瞻天敢忘勤王之志今以小遊天一躔梁蜀之鄉大遊四神在雍秦之野月宇行於井宿地一次於坤宮緯候所明兢憂是切是敢按遵元格披考靈科修黃籙寶齋設羅天大醮下窮九壘上極三清嚴陳懺請之儀願假感通之應伏惟尊神

眾聖憫鑒丹誠雷發神威風回景貺埽機槍於碧落殄氛翳於皇都永固鴻圖中興大業次願封疆分野銷解災蒙祛厄會之期致和平之氣龍神輯睦風雨均調疵疫無侵戈鋌允戢誓勤握政上副神功黍稷馨香必虔於蠲潔蘋蘩蕝藻克展於齋莊瀝懇陳情不任

蜀王本命醮葛仙化詞

欽定全唐文 卷九百三十八

杜光庭

十四

虞政理之乖莫副眞仙之鑒今屬太乙行運分野慮災或臨梁益之方或在雍秦之境月宇躔於井宿地一災於坤隅稽考緯書伏增憂懼况歲當丁卯是臣元命之年月屆仲春是臣稟命之節詣本命之化以本命之辰虔備香燈精申禱祝伏冀元尊憫矜眾聖鑒臨騰素歛於上宮錫鴻休於下土帝圖興復息災期而輦蹕還秦境寓康寧銷否運而禎祥介蜀俾罄報君之節允符憂國之心百穀豐登羣生和泰龍神貽貺疵疫無侵臣七祖生天年齡增永普宏道化以答靈恩不任

莫令南斗醮詞

伏以元道聿分化機肇啟清濁定昇淪之位陰陽運刑德之樞南斗主生垂吉昌而勸善北宮紀死編罪惡以繩非神明用之以化人帝王用之以致理纖微不失今古攸同臣宿稟真謨仰宗元訓敢忘勗勵以自秉修而叨備官榮屬茲多事雖加勤恪實有懼於曠違徒切兢憂固取譏於尸素誅奸瘴惡或舉刑章或督懲憊或施鞭楚犒士或開其宰戮宴賓難廢於烹燔恐因故殺誤傷遂結深冤厚費又臣行年所歷小運逢災宿曜所躔火星為照月臨申未

欽定全唐文

卷九百三十八

杜光庭

五

天符居本命之辰位對丑寅飛旗當衝破之地慮成厄會彌切震驚雖省已循懷寬刑慎行減饌節酒遠色防非猶慮凶咎未蠲福祥莫應恭披典冊虔詣靈山按南斗文儀法上元分緯九微燈影星羅遠擬於六星一德香烟雲色高連於三素竹殿既招其虛實松軒可降於真靈向此披心敢期符祐伏願六宮上聖輟死籙以延生五緯尊神碎禍車而流福冤九銷解災厄和平骨月安寧境邑康泰風雨調順穀稼豐登寇盜不興疹瘥無作所請靈寶玉篆赤帝天書伏願解臨照於南丹錫恩慈於下土永承貞吉以

遂禱祈不任之至

鄭頊別駕本命醮詞

伏聞元天垂象斗極居尊統萬彙以無私御四時而成歲下司命籍總制吉凶有感必通有祈皆應臣粵自童丱竊仰威靈以七星為天地之樞五氣為裁成之本主張禍福制錄鬼神傾心每奉於上元有醮必存於北斗疊蒙昭祐累降禎祥動若影隨事猶響答至或願捐所職謝病尋醫或懼履禍機違凶就吉或雪志於侵誣之際或滌瑕於猜忿之中潛慙懇於長天暗馳誠於永夜至真在鑒有願咸

欽定全唐文

卷九百三十八

杜光庭

六

從而多事所繫靈恩未報常期精潔冀啟醮筵今者天徇深衷神諧夙望幸叨攝任獲在仙鄉玉闕瓊都咫尺封隅之內凝嵐積翠高低城邑之旁况屬命辰仍當秋景遂得躬披松檜深躡雲霞展三獻之禮容猶申公務酬積年之祈禱兼遂私心省分循懷既榮且忭是敢奉持詞款營備香燈雖澗蘋行潦之微難迴聖鑒在隨感赴機之德願納愚誠所祈答已往之恩佇將來之澤賜其貞吉介以康寧俾縣境無虞農功有歲人和俗阜遠睦邇安臣或本命五行災衝所及天文九曜臨照所經或政理有所未明賞罰

有所未當新冤往債故殺誤傷竝乞蕩除永承恩祐不任

孫逄司空本命醮詞

伏以二氣肇分五行運化鼓陰陽之橐籥執生死之樞機
亭毒無私陶融靡倦司短長於五帝校善惡於三官維斗
居尊總御羣品臣自維幽陋仰荷裁成獲備冠裳每憂叨
竊遵素儒之明訓守元聖之格言尚慮動息成非行藏乖
道難階福善易結過尤仍恐三途推移或逢災數九曜躔
次或在厄宮况今年天符臨勾絞之方小運當伏吟之位
十三宿內月宇所經大運行年猶居衝破以茲疑懼恐履
欽定全唐文 卷九百三十八 杜光庭 七

欽定全唐文卷九百三十九目錄

杜光庭 十一

李仇中丞本命醮詞

張道衡常侍還願醮詞

周庠員外爲母轉經設醮詞

莫庭乂爲張副使本命甲子醮詞

駱將軍醮詞

馬尚書醮詞

馬尚書本命醮詞

欽定全唐文 卷九百三十九 目錄

司徒青城山醮詞

馬尚書本命醮詞

莫庭乂青城本命醮詞

莫庭乂青城甲申本命周天醮詞

莫庭乂九曜醮詞

川主相公北帝醮詞

川主相公周天后土諸神醮詞

葛仙山化醮詞

川主九星醮詞

中和周天醮詞

程德柔醮水府修堰詞

川主醮五符石文詞

蜀王爲月虧身宮於玉局化醮詞

安宅醮詞

八節醮詞

都監將軍周天醮詞

欽定全唐文

卷九百三十九

目錄

二

欽定全唐文卷九百三十九

杜光庭 十一

李仇中丞本命醮詞

伏以二氣陶融三元生化裁成品物亭育羣方受命稟形
上繫天府至於壽算遐促祿祚短長立身有罪福之因行
運有吉凶之數天司地簡主宰無私臣伏恐三命五行或
逢災咎九星七曜或值照臨陰陽有刑剋之期祿算有凶
衰之會又恐積生所犯冤債未除積世所行過尤旋結常
情罔測神道難知非託醮祈無由解釋輒因本命之日虔
備香燈仰元象以披心對星壇而憑懇敢希至聖俯鑒丹
誠三官落罪簡之文五帝削災妨之籍臣宿瑕蕩滌積愆
銷平輟死北宮上生南極天曹增祿司命延年眷屬和寧
公私清泰卽荷眾聖之恩不任

張道衡常侍還願醮詞

伏聞垂象九天流光萬有帝車周運聖力遐通裁四海以
無私福羣生而不宰惟祈必應有願克從臣頃以大順二
年遭逢危厄憂逾蹈火危甚履冰旣難保於朝昏敢望全
於形命元元丹懇啟懇無門惟注念蒼穹冥祈元斗潛興

大願冀贖深災果蒙大道鑒臨至眞通感垂好生之澤開罔極之恩獲洗罪尤盡消冤戾仰天慈而積感報元造以無階旋屬公役所拘道途無暇歲華累改誠願未申况復水陸經過江山往復幾逢倣擾頻值艱危幸脫鋒鉞免罹凶橫皆承廕護倍切兢榮今以本命之辰於玉局靈化詣北斗七元之殿當元卿大帝之前虔備醮壇恭酬往願昔所許奏錢若干貫請至今年八月五度奏納取畢伏惟斗中眾聖元府上司鑒顧丹誠曲迴鴻造使宿願周備賜靈澤遐霑赦過除災延祥介福年祿增益危厄銷平眷屬又欽定全唐文 卷九百三十九 杜光庭 二

周庠員外爲母轉經設醮詞

伏聞三洞寶經九天眞訣虛無凝炁混合成文龍篆鳳章發舒杳冥之始瓊編玉檢敷宣天地之先大則制御乾坤保鎮劫運安寧祚歷昭祐帝王次則和輯五行調平六氣蠲邪度厄濟物利人遵修則災咎可銷諷誦則禎祥可降臣等以母行年衰厄疾苦所嬰憂懼但深告祈無所敢憑元聖披瀝丹心伏願勅三寶威神命侍經寮屬解五行刑剋却三命凶衰增祿南天延生司契六府調理百病痊平

永垂覆祐之恩克享遐長之福謹以玉局化轉經設醮冥叩至眞不任

莫庭乂爲張副使本命甲子醮詞

臣聞天道無親輔茲有德功或及物福必無涯當川安撫副使張琳奉主無私酬知盡節初終一致雖風雨而不渝籌畫萬端越歲寒而彌勁頃以四郊多壘兩鎮稱兵物力將虛經費逾廣厚斂則生靈必困薄賦則供億不充出自良謀豐其軍食糗糧山積戈甲雲屯人不告勞物無失所益振貔貅之勢佇成弔伐之功但以張某三命之中猶逢欽定全唐文 卷九百三十九 杜光庭 三

災厄二運之內甲祿氣微天符臨本命之宮土星逆愁煩之位慮爲災咎輒罄誠祈爰託皇壇旁希元祐伏願十華降福三聖迴光錫善貺於諸天災殃自息蕩過尤於九府祿算增延永俾安寧共康藩屏臣情誠迫切冒瀆高明不任

駱將軍醮詞

伏以二氣清寧表天地亨貞之道五材倚伏荷乾坤成育之恩至於命籍短長祿祚豐薄立身罪福行運吉凶莫不上自天司旁資元命主張考校巨細無遺臣竊恐列宿五

行躔次有照臨之咎九宮三命陰陽有厄會之期以此憂兢恐成災厄今以立冬令節祈福良辰虔罄丹誠精陳醮禮仰天闕而憑懇瞻地府以冥心佇降恩慈曲流洪福使災凶殄息過咎蠲銷錫以嘉祥增其壽祿落罪書於北府紀生籍於南昌眷屬安寧幽明康乂回翔天路長親日月之光棲息人寰永沐眞靈之祐不任

馬尚書醮詞

伏聞厯象推移運三元而成歲陰陽變化資大道以宣功澤霈幽明事均今古其有宏仁秉義體順和光則天錫禎

欽定全唐文

卷九百三十九

杜光庭

四

符神彰吉貺或動乖守慎志協回邪乃蹈彼艱虞兆茲否塞影響之報理實昭然臣猥以庸虛早塵職祿雖肅恭自立畏慎推誠常懷聚鷗之譏每懼維鷗之誚况復訓齊戎伍祇奉藩垣鋒鏑猶施鉦鞞未息摧堅挫銳徒申擒討之謀故殺誤傷慮構幽冤之咎以茲屬念深用寘懷今則秋帝考功地官校籍罪福咸舉毫末無遺或臣有塵忝之非有殺傷之故有六情之罪有三業之辜有注訟未除有冤讎未釋事題黑簿名挂陰曹乞垂悔謝之緣竝降蠲消之澤俾其克勵得以自新至於宿曜垂災行年值厄亦希超

度獲保乂安上祈九祖生天三塗離苦飛沈遂性生植無傷四方之戈甲早寧萬戶之農桑畢就俗聞謠詠野息氛埃咸歸清淨之風大洽希夷之道虔修醮酌懇薦章詞遙祝仙壇仰望眞祐不任

馬尚書本命醮詞

臣以庸微叨承宿運謬參職秩繼忝官榮統御戎車襲行條令或剋收境邑除蕩奸兇外禦寇讎內綏疲瘵而宴賓犒士須有宰傷去弊誅邪必資刑律誠非徇已務切安人竊慮斬決之間重輕有失傷殺之際故誤難明以此憂惶

欽定全唐文

卷九百三十九

杜光庭

五

恐貽譴責又慮臣行年三命或值凶衰宿曜五星或逢臨照因其厄會遂履凶危又恐九祖幽儀未蒙遷拔六親滯識猶有拘留緬長夜以魂驚念陰關而心懼思罄歸依之懇仰申薦奉之誠輒憑本命之辰式備資薰之力冥心靈化遐想寶壇陳醮禮以肅恭貢章詞而精禱伏冀元元錫祐大道流慈光開泉曲之庭詔下鄴都之府使九元超度累苦蠲消生神碧落之天蛻影朱陵之洞福延後嗣惠被宗親其有往世愆瑕無窮冤對咸承懺滌竝使和平乞臣罪簡落書生宮注籍災凶弭息祿算遐長兼祈福介川源

澤覃遠近戈鋌早戢疵癘不生野復耕桑人歸富壽泊乎
沈潛異質冥漠殊庭同沐元風咸昇道域誓虔丹懇永奉
鴻慈不任

司徒青城山醮詞

伏以灝氣漸凝羣山挺秀高扶宸極厚鎮坤輿惟彼西南
上通參井結靈積瑞含藏日月之華疊翠推嵐包括神仙
之宅位崇眾嶽秩亞三山爲天下之福庭冠域中之勝概
崇臺比立黃軒之秘跡猶存巨浸旁分大禹之神功可觀
每彰符應以祐生靈頃屬雨澤踰旬泉源全涌丹崖翠嶽

欽定全唐文

卷九百三十九

杜光庭

六

雖傳隕圯之聲紺殿彤軒靡有震驚之變緬茲羣異益驗
光靈臣叨荷殊恩膺茲重寄綏撫之能未著兢憂之懇常
深恐臣過咎所招仙嶽降異常之兆災蒙所襲神峯垂警
告之祥夙夜省循若據冰炭莫展披陳之路惟虔禱謝之
誠輒按明科恭申大醮庶蒙鑒祐以贖愆違不任

馬尚書本命醮詞

伏聞元化運行三才資始體乾坤而成象感陶煦以凝神
由是懸命籍於天關繫生死於斗極其有行藏巨細舉措
纖微八靈伺察以無遺十值考讎而畢至善功潛著則名

列仙曹過目所彰則書編鬼錄用茲懲勸以導於人其惟

本命尊神主張校錄緬思元旨實切稟修臣猥以凡微曾

無機畧唯奉公克已效命爲時未展勞能累驚塵忝揣循

增懼委任益深況封畿戈甲之餘壠畝榛蕪之後疲羸未

復瘡痍未平撫之則濡沫纔通撓之則溝渰甫及而驟司

六邑務彼三農暑耨寒耕雖勤劬於人力有秋望歲殊仰

俟於天時但罄丹心禹祈元祐敢因本命之日虔申醮謝

之儀所祈眞聖鑒臨福祥臻萃赦臣叨據之苦獎臣肅奉

之誠使鋒鏑早寧京坻有積人無疵癘之苦年祛水旱之

欽定全唐文

卷九百三十九

杜光庭

七

虞俾臣九祖超昇三塗清宴其或宿曜運行之厄歲年刑
剋之災淫刑濫賞之非故誤殺傷之咎竝希昭祐普錫蠲
消永誓歸依以酬眞貺不任

莫庭乂青城本命醮詞

伏以稟氣分形上資元化主算定祿仰繫眞曹臣伏恐履
行之間或貽愆咎年運之內或遇災凶非仗神功難申懺
滌輒千眞鑒虔備醮儀頃以此山嶽瀆上司神仙福地洞
裏之玉樓金闕塵俗難窺人間之古殿荒臺蹤基易變梁
摧蟬蛻瓦落鴛鴦若無營葺之興已雜蒿萊之徑某叨居